

## **Dispvtationes Theologicae**

Quatuor Tomis distinctæ: Qvibus Vniversa Theologia Scholastica Clare,  
Breviter & accuratè explicatur

De Deo, Et De Angelis

**Martinon, Jean**

**Burdegalae, 1644**

Sect. 7. Notæ circa discursus præcedentes, & vtrum existentia sit de Dei  
essentia.

---

[urn:nbn:de:hbz:466:1-73898](#)

& postem Republicæ. Denique Deum amare, colere, timere, malum esse per se, & stultum, impium, recta rationi aduersum. Contra vero, esse Numinis contemptorem, pietatisque & religionis expertem, blasphemum, impium, sacrilegum, bonum esse per se & laude dignum, cum vera doctrina de numine, & errori contrario destruendo, consentaneum sit. Quæ & similia non modò lumini naturali aduersa, & aliena à veri specie; sed etiam furoris & amentiae plena sunt. Quid enim, vt rectè dicit auctor citatus, absurdius fingi potest, quam primam & summam veritatem, maximumque diuinitatis arcanum, ab hominibus cognitum vel apprehensum, ad omne nefas & flagitium aperire viam, cosque sceleratissimos & impurissimos efficere: Contra vero errorem summum circa diuinitatem falsò assertam, inducere homines ad morum sanctitatem, vitamque maximè ratione conformem, & virtutum omnium generi excellentiem: quis credat falso & impossibili figmento existentia diuinæ, tantam inesse vim ad omnem virtutem: Solida autem veritati tantam illecestram ad omne flagitium & perniciem? Veram & summam sapientiam extinguere omnem virtutem, & homines efficere pessimos: summum vero errorum excitare ad omnem virtutem, & homines efficere opimos? Lumen summam intellectus, summa afferre tenebras animorum; & summam tenebras intellectus, gignere summam lucem & pulchritudinem animorum? Hæc, inquam, omnia furores & amentiae sunt plena. Ita, vt nemo nisi amens, his rationibus expensis, possit ex animo negare Deum esse. Ut fileam, quamvis res foret minus comperta; tamen tuitiorem, & prudèstissimæ ac necessariò præferendam fore persuasionem veri Dei. Quia si nullus esset Deus, nihil foret noticetus ex illo cultu: foret autem, si est, noticetus respondenti ipsum agnosceret, contra tota argumenta. Vt enim Regem maximæ affecti iniuria, qui v. ipsum esse Regem, vel regnum illi ipsi negat; estque reus læsa maiestatis, et si ex aliquibus conjecturis putet se vera dicere: Ita Deus iniuriosi maximè sunt, qui ipsum esse negant, contra tota argumenta, quæ paulo, suis prosequi visum est: tum quia inueniæ Theologia & Christianæ religionis fiduciamenitum est: tum etiam tum non v. sunt qui hoc tempore prolabantur in Atheismum. & propter mōrum corruptiōnē, ac mentis hebetudinem, non tam v. affecatae, & propter hærefes huius sæculi, quæ reiectis solidis omnibus fidei firmamentis, & priuato cuiusque ipsius postpositis, ad Atheismum ducunt. Id eium Dæmone sagittante, vt in fine seculorum, ante secundum Christi aduentum, orbem perdat Atheismo, quem diu ante primum eiusdem aduentum polytheismo misere demeneruerat.

## SECTIO VII.

*Nota circa discursus præcedentes: ceterum existens sit de Dei essentia?*

Circa discursus præcedentes Nota primo, vt ostendatur Deum esse non esse opus ostendere totum illud existere quod Deus est, æternitatem, infinititudinem, immensitatem, omnipotentiam &c. Sed satis esse si ostendatur aliquid existere quod Dei proprium sit, quodque Dei nomine intelligatur; cuiusmodi est ratio entis à se, & causa primæ rerum omnium. Nam alioqui si ostendendum esset quidquid Deus est: quæstio an sit confunderetur penitus, cum quaestione quid sit. Quanquam ex rationibus allatis non totum constat, Deum esse quomodo cumque: sed insuper esse ens à se, necessarium, intelligens, volens, prouider, omnipotens, &c. quæ tamen attributa in sequentibus disputationibus magis declarabuntur. Nec obest quod non est idem in omnium conceptu esse Deus, & esse ens à se: siquidem Arist. existimat materiam primam esse ens à se: Nec tamen illam existimat esse Deum. Nam vt patebit ex sequentibus, id est in re ipsa, & secundum veritatem, esse Deum, & esse ens à se. Contra eos vero qui hac in parte errarent, perficienda eset demonstratio existentia diuinæ, ex iis quibus inferius ostendemus, ens à se, vnicum esse, esseque summè potens, summè sapiens, summè bonum, & omnipotens, & causam ceterorū. Quanquam hoc ipsum in præcedentibus discursibus ostensum est, & breviter quidem, sed efficaciter, meo iudicio, probatum.

Nota secundò, prædictas omnes rationes non esse à priori, sed à posterioribus nobis notis, neque à causalitate & ab effectis, vel ab incommidis è contrario sequentibus. Præterquam quod omnes ferè nituntur deductione ad impossibile, quod argumentandi genus à priori non est. Sed neque à priori potest à nobis demonstrari Deum esse. Tum quia Deus non habet causam sui esse, per quam à priori demonstretur: tum quia etiam si haberet, non ita exactè & perfectè Deum cognoscimus, vt ex propriis eius principiis infusus existentia notitiam assequamur, vt rectè docet S. Thom. art. 2. qu. 2. Loquor autem de esse Dei absolute. Neque enim nego postquam à posteriori demonstratum fuit aliquod attributum, posse per ipsum à priori demonstrari esse aliud: vt v.g. ex immensitate perfectissima ostendimus localem immutabilitatem: & ex omnimoda immutabilitate, æternitatem. Suppono enim, ad ratiocinandum à priori modo humano, sufficere distinctionem & ordinem rationis inter objecta ut rectè docet Suarez disp. 29. Metaph. q. 1. Suarez. 3. num. 1.

Quærit autem idem author lib. 1. de

55.  
Yt probe-  
tur Deum  
esse suffici-  
probare  
dari. Es à  
se, & causa  
primæ re-  
rum om-  
nium.

56.

Non potest  
demonstra-  
ri à priori  
Deum esse.

D. Thom.

Existentia  
Cū de es-  
sentia Dei,  
Sed non est  
ta eius  
essentia.

Sententia Dei, cap. 2. & 3. an esse Dei sit de ipsius essentia, & an sit tota essentia? Sed ex dicendis infra de constitutione & perfectio- ne essentiae diuinæ constabit, existentiam esse de intrinseco & essentiali concepiu essentiæ, cum si perfectio simpliciter simplex: & es- sentia diuina sit talis, ut identicæ & essentiali- er omnis perfectio simpliciter simplex, id est, melior quam non ipsa, aut quilibet alia incomparabile cum ipsa, cuilibet enti vt ens sit. Constat insuper existentiam, sive esse præcisè conceptum, non esse totam essentiam diuina. Deus quippe essentialiter non tantum est ens actu existens; sed & substantia completa essentialiter, & spiritualis, & intelligens, & viuens intellectuali viâ, indepen- denter & in gradu perfectissimo: vt partim definitur in Concil. Lateran. cap. Firmiter, & cap. Damnamus, partim afferitur Ioan. 4. Spi- ritus est Deus, & I. Tim. 1. vers. 17. Regis aca- rum immortali & invisibili & Daniel, vlt. Ipse est Deus viuens, & Rom. 1. O altissimo diuitiarum sapientia & scientie Dei: aliisque Scripturæ tes- timoniis facilibus & obviis: partim denique lumine & discursu naturali cuique sat notum est, & in sequentibus disputatione de perfectione Dei, eiusque attributis, amplius declara- batur.

58  
Esse Dei, &  
esse crea-  
turarum,  
quomodo  
differant?

In trea circa esse Dei, & ceterarum rerum, id discriminis notari potest; quod licet in ratione essendi confusa sumpta, & abstracte conueniant: Deo tamen conuenit esse inde- pender ab alio, & esse perfectissimum cum tota ipsius plenitudine: quatenus quidquid est perfectionis & entitatis actualis aut possibilis, id totum vel formaliter & eminenter, In Deo est, & necessariò est, ita ut non possit non esse. Unde ab solute Omnipotenti tan- quam proprium tribuit sibi Deus Exod. 34. Ego sum qui sum: & qui est misit me. Ipse enim verissime & absoluissime est. Cum è contra- ria, creatura, propter dependentiam, & li- mitationem, & contingentiam, non sint nisi per participationem, & liberam Dei voluntatem: & aliqui de se ipsis non sint habé- antque plus negationis, quam perfectionis essendi, cum ita sint vnum quid, ut alia infinita non sint, nec formaliter nec eminenter. Homo enim v. g. homo quidem est, sed non est Angelus, neque Leo, &c. ut oritur limi- tationem durationis per quam existunt acti, quæ in quibusdam breuissima est, cum alio- qui tota aeternitate ante & post, coextineantur intra limites nos essendi.

59.  
Author vero citatus eodem libro I. cap. 2. vt probet existentiam diuinam esse de ipsius essentia, hanc rationem afferit: Quia diuinum esse nullo modo comparari potest ad essen- tiam Dei, tanquam actus ab aliqua causa ex- trinseca illi collatæ, sicut in cœtu compa- paratur: cum Deus sit à se, id est, à quo lo- go. Neque potest comparari cum essentia, ut re- sultans ex illa, vel secundum rem, vel se- cundum rationem: quia ut aliquid intelligi- tur resultare ab alio, oportet illud intelligi ut prius aliquo modo, re vel ratione, & ut sic,

esse etiam prius in ratione entis actualis. Hoc enim ipso quod aliquid concipitur, ut resul- tangs ex alio; concipitur vnum ut radix alterius, & ut prius sub ea ratione. Resultantia autem esse non potest, nisi ab ente actuali & existente in rerum natura. Ideoque eo ipso quod aliquid intelligitur tanquam resultans ab alio, illud à quo resultare intelligitur, præintelligitur ut actualis entitas: ab eo enim quod nondum concipitur, ut ens actu, non potest concipi deriuari aliquid ens ve- rum & actuale. Aliam addit rationem verbis tantum differentem, quia videlicet essentia diuina non potest concipi, nec in potentia ob- jectiva, nec in potentia passiva, respectu exi- stentiae: ergo, &c.

Verum posterius utriusque rationis mem- brum Deo commune est cum creaturis, in quibus similiter existentia non potest compa- rari cum essentia, ut cum potentia passiva, & causâ veluti materiali. Alioquin essentia esset concipienda ut actualis, & iam existens ratione prius quam existentiam subiectaret. Circa prius vero membrum utriusque ratio- nis aduterium est, respectum potentia ob- jectiva non obstat, quod minus aliqua ratio sit essentialis. Nam gradus omnes essentiales creaturarum, qualicunque sint, cum sint creati, & à Deo pendent, sunt omnes in po- tentia objectiva, sive pura, quando nondum existunt; sive coniuncta cum actu, quando existunt. Persona quoque diuina existunt es- sentialiter, & absolute à necessitate, etiam secundum suas proprietates personales, ratio- ne propriae perfectionis illarum: licet per- sonæ Filii, & Spiritus sancti, illas accipiunt ab alio, non quidem ut à causa, sed ut à prin- cipio realiter distincto. Quare ut existen- tia sit alieni essentialis, non est necesse ut illam habeat à se ipsa, id est, à nullo alio. Necesse nam tamen est, ut ens quod à se ipso existit, ita ut à nullo, sive ut principio, sive ut causâ, accipiat exi- stentiam; sed existat in sua perfectionis sufficientia sibi ad existendum: necessarium, inquam, ut tale ens existere es- sentialiter. Tum qui existit in sua so- lius essentia, quæ tantæ perfectionis est ut non possit non existere, inquit cogitat alio à quo accipiat existentiam. Tum etiam quia tales enim potest bene compiri ut pure pos- sibile, sed si vero compicitur, debet concipi ut existens. Si enim concipiatur ut pure possi- ble, concipitur ut fictum & impossibile. Quia si tale ens non existere ait, non esset possibile: cum neque vi sua posset transire è nihilo sibi, ad esse actuale: quod enim non est, non potest seipsum, neque aliud pro- cipere realiter & physicè, neque etiam vi alterius causæ, vel principij; cum nullum sit a quo possit produci. Addit, quod implicat contradictionem, scilicet ens purum possibile, & simili esse ens à se, id est, existens vi sua propria perfectionis. Quare acceptus talis entis, ut pure possibilis, est contra- dictorius. Ergo non potest vere concipi.

## Disp. II. de Deo, Sect. VII.

39

nisi concipiatur ut existens. Illud autem est rei cuilibet essentialie, sine quo velut intrinsecè sibi inexistente, nec potest esse, nec concipi, ut docent Metaphysici.

61. Dices, si existentia est de essentia Dei: ergo hoc propositio, Deus est, est per se nota; etiam quoad nos; contra doctrinam D. Thomas quæst. 2. artic. 1. vbi distinguens duo genera propositionum: alterum, earum quæ secundum se sunt per se nota, quarum scilicet prædicarum immediatè & per se, id est, non per aliud, conuenit subiecto, unde quantum est ex se, non eget alio medio ut cognoscatur ei competere: Alterum, earum quæ sunt per se nota quoad nos, quia ipsarum veritatem, ex ipsis terminis, sine discursu & sine alio medio, cognoscimus: Hac distinctione presupposita concludit istam propositionem, Deus est, esse quidem per se nota secundum se, quia prædicatum immediatè conuenit subiecto: Deus enim ex se, & per se est, non per aliud: at non esse per se nota secundum nos, quia non nobis innotescit ex ipsis terminis, sed opus habet declarari per aliud. Atqui si Dei essentialiter existit, dicere Deum esse, idem est, ac dicere, ens essentialiter existens existere: hoc est nobis per se notum, quod ens essentialiter existens existat: ergo est nobis per se notum Deum esse.

62. Respondeo cum Suarez, libr. 1. cap. 1. de Existentiâ Dei nunc, quamvis nomine Dei significemus ens essentialiter existens: non tamen esse nobis per se notum, quod idem sit Deus, & ens vere essentialiter existens: quia nobis per se notum non est, quod vere datur tale ens, quodque nomini, Deus, respondeat vere à parte rei tale significatum. Vnde quando demonstratur veritas huius propositionis, Deus est; simul demonstratur significatum illius nominis, Deus, esse verum, & non fictum. Sed neque illa propositio, ens essentialiter existens existit, assensum elicet exterminis, & per se, respectu nostri, nisi in sensu tacite conditionis, si mirum est aliquid ens tale. Nam absolute quod sit aliquid vere tale, quodque Deus illud sit, non est nobis per se notum, uidenter faciem. Nam quod probabilitate ac verisimilitate terminis earum propositionum assentiri quis possit, luminis naturalis instinctu sine alio medio, non est insufficiendum. Alter ait id doce, Lessius, libro de Providentia numinis capite 2. nathemo 12.

Quare, cur existentia non datur esse de essentiâ creaturarum? Nam iuxta Metaphysicos, essentialie est id omne, sine quo tanquam intrinsecè inexistente, res nec esse nec concipi potest. At existentia est talis respectu creaturarum, & que ac alia attributa quæ dicuntur esse illis essentialia. Exempli gratiâ, dicitur esse essentialie homini quod sit substantia corpora, viuens, sensibilis, & rationalis: quia impossibile est esse hominem, quin sit intrinsecè substantia corpora, viuens, sensitiva, & rationalis. Estque pariter impossibile concipi hominem, quin concipiatur es-

se intrinsecè substantia corpora, &c. Et denique siue spectetur homo in esse possibili, siue in esse actuali, siue in esse intelligibili, non est possibilis, nisi possit intrinsecè esse substantia corpora; non est actu, nisi sit actu talis intrinsecè: ac denique concipi nequit ut homo, quin concipiatur ut intrinsecè substantia corpora, &c. Atqui similiter non est possibilis homo, nisi sit possibilis existere intrinsecè: neque est actu, nisi actu existat intrinsecè & per se formaliter. Neque potest concipi ut possibilis, vel ut existens actu, quin concipiatur eius intrinsecè & formaliter existentia, tanquam possibilis aut actualis: ergo existentia est de essentia hominis, & que ac alia prædicta, quæ dicuntur esse illi essentia.

Respondeo primò, illius propositionis, quod existentia sit de essentia Dei; & non de essentia creaturarum, sensu hunc esse: quod Deus solus existat vi suâ sola, seu potius ex sufficientia & perfectione sua essentia, sine dependentia ab illo alio à quo accipiat esse. Ideoque Dei essentia non sit in potentia obiectiva, & indifferent ad existendum vel non existendum, ut est essentia creaturarum considerata in esse possibili, sed existat ex summa sua perfectione & determinatione essendi absolute necessaria.

Respondeo secundò, existentiam non significare possibilitatem existendi, hoc enim est ipsa et essentia & prima ratio intrinsecæ entis: sed significare ipsum esse actu, & existere in terum naturæ. Hoc autem non est ex conceptu necessario creaturæ, quæ potest concipi, & esse pote possibilis, id est, pote non repugnare ut sit, & estemantaxat obiectum potentiaz actu, qua produci possit, seu posse ab alio produci, ipsiusque beneficio existere. Deus autem non potest rectè in conceptu. Quia non est in potentia obiectiva respectu ullius causæ: à nullo enim alio produci potest. Neque potest esse pote possibilis, aut concipi rectè ex pote possibilis. Quia nisi actu esset ex proxia essendi necessitate, impossibile est, cum à nullo alio possit accipere existentiam.

Addunt aliqui tertio, prædicta essentialia vocari à Philosophis ea quæ sunt ita ei intrinsecæ, & de conceptu illius primario intrinsecæ, ut faciant propositionem aeternæ veritatis in sensu hypotheticæ, & non nugatoria. Quo pacto intelligendum est, quod vulgo dicitur à Philosophis, essentias rerum creaturarum esse aeternas, id est, ab aeterno, & in aeternum, verum esse quod V.g. si est homo, est rationalis, si est Angelus, est spiritus. Nam qui existimant essentias rerum esse aeternas in sensu categorico, id est, re ipsâ fuisse ab aeterno: errant aperte contradicentes, quia docet nihil esse præter Deum, visibile aut inuidibile, quod ab ipso creatum non sit: & nihil esse creatum ab aeterno. Quare essentiae creaturarum non sunt ab aeterno, sive in individuo, ut nunc aliqui imaginantur: sive in specie, id est, in suis generibus, quæ fuerint alia ante alia in-

64.  
Quo sensu  
existentia  
dicatur ei-  
ste de es-  
tentia Dei.

Quare exi-  
stantia non  
est de es-  
tentia crea-  
tarum,

infinitum ab æterno, sine principio durationis totius speciei, ut falso Aristoteles sensit, existimans mundum, & rerum successioneum nisse aeterno. At prædicatum existentia non est eiusmodi. Si enim hæc propositio, homo existit, ita reiolutus hypotheticus, si homo existit, est existens, est propositio nugatoria. Secus autem ista: si homo, existit rationalis; si existit Angelus, existit spiritus. Similiter, inquit, recte dicimus rosam acquirere vel amittere existentiam: concipiendo existentiam rosæ, velut illi aduentem aut pereuentem: quia per has propositiones nihil aliud significamus: quam rosam incipere aut definire esse actu in rerum natura. Sed non dicimus rosam acquirere vel amittere esse florem: quia hoc significaret rosam posse esse rosam, aut manere in esse rosa, absque eo quod sit flo.

Verum hæc Doctrina licet habeat locum in

multis prædicatis essentialibus, non tamen est vera de omnibus. Nam vnicuique rei essentialie est, esse id quod est essentialiter. Quare de unoquoque potest essentialiter prædicari, id quod est essentialiter. Ergo hæc prædicatio est essentialis, rosa est rosa, non minus quam ista, rosa est rosa. Et tamen illa propositio sumpta in sensu hypotheticus, est & quæ nugatoria, acquæ ista: Rosa existit. Est enim & quæ nugatoria dicere, si Rosa, est rosa; id est, si existit rosa, existit rosa: ac dicere, si rosa existit, est existens. Quare ut illa doctrina sit vera, debet restringi ad prædications essentiales non identicæ. Nam de identicis est falsa vniuersaliter.

Aduerfus responsum secundo loco datum multa opponunt aliqui Nominales ex suis principiis Dialecticis: sed ea tam leua sunt, & ad placitum exigitur: ut in illis referendas & refutandas immorari non sit opera pretium.

## DISPUTATIO TERTIA

De Attributis diuinis in communi.

Sectio I.

Quid, & quotuplex sit Attributum diuinum?

Sectio II.

An attributa diuina distinguantur à parte rei vel inter se, vel ab essentia?

Sectio III.

Confirmatur vera sententia pluribus argumentis.

Sectio IV.

Rebutatur præcipuis argumentis Scoti.

Sectio V.

An Attributa diuina distinguantur saltem ratione vel inter se, vel ab essentia?

Sectio VI.

Impugnatur amplius opinio Nominalium, & confirmatur vera sententia.

Sectio VII.

Respondetur præcipuis argumentis Nominalium.

Sectio VIII.

An Attributa diuina, ut præcisè concepta, sint de conceptu essentia diuina?

Sectio IX.

An Attributa diuina, ut præcisè distincta per rationem, includantur alia in aliis?

Sectio X.

An Attributa diuina, ut distincta per rationem, sunt omnia aequalis perfectionis?

**O**nstat ex dictis superiori disputatione, Deum esse, & esse est à se. Iam priusquam de aliis eius Attributis in particulari distinximus cum D. Thom. qu. 3. & sequentibus, pauca de illis in communione explicanda sunt. Ac primum, quid Attributi diuini nomine intelligentiæ sint? Secundò, quotuplex sit Attributum diuinum? Tertiò, an & quomodo Attributa diuina distinguuntur, scilicet inter se, tum ab essentia? Quartò, an sint de conceptu essentiae? Quintò, an te includantur in multis? Sextò, an sint aequalis perfectionis; non solum identice, sed etiam formaliter & præcisè sumpta?